

أبو عارف الصالحى

الخلود

شعر شعبى

الطبعة الأولى يناير 2020

بطاقة الكتاب

عنوان المؤلف	الخلود
المؤلف	أبو عارف الصالحى
التصنيف	شعر شعبي
رقم الإيداع القانوني	5369 - 2020
الترقيم الدولي	978-977-6771-69-7
رقم الإصدار الداخلى	599 الطبعة الأولى فبراير 2020
عدد الصفحات	94 صفحة

جميع حقوق الطبع والنشر محفوظة للمؤلف، ولا يحق لأى دارنشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



أسسها الشاعر ناجى عبد المنعم
سنة 2007

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - تليفاكس: 020554372901

النيل والفرات nagyegy200064@gmail.com alnilwaalfourat@gmail.com

المقر الرئيسي: ج.م.ع محافظة الشرقية - العاشر من رمضان - مجاورة 13 - أمام ستر الـ 13 - عقار 304

الاهداء

الى روحك الطاهرة
والارواح الخالده في سماء المجد.
اليك يا ثائر بوجه الطغاة
لم يجف قلمك عن الحق
حتى تحمل عذاب ومحاربة الطغيان
والحكومات الجائرة .
الى اخي المرحوم أبو عارف الصالحي
اليك يا من نذرت نفسك
لتراب العراق
وعشت في مهد الحضارة
صاحبة الحرف الاول بالعالم هي الناصريه

المقدمة..

تفتخر كل الامم بتاريخها الحضاري ونحن العراقيون جزء من هذه الامم ، حيث حمل تاريخ العراق مجالات شتى نفتخر بها .

لذا كان الشعر الشعبي جزء من هذا التاريخ في محافظة ذي قار وكان لشاعرنا مواقف عدة يشهد القاصي والداني .

بدا حسينياً ومات في حب الحسين عليه السلام كتب الشعر لا هل البيت فقط وكتب ضد نظام الطاغية وهاجم الحكام الفاسدين في بداية كتابته للقصيدة واكد على الوحده بين اطياف الشعب العراقي .

عانا الشاعر في فترات كثيرة من الاحزاب الحاكمه والتسلط والطغيان حتى كان قاب قوسين او ادنى عن حبل المشنقه من جراء كتاباته في حب الحسين ع .

يعتبر هذا الديوان الاول حيث كتب قصائد متنوعه بين الرثاء والمدح في حب محمد وال بيت محمد وعن العراق شماله وجنوبه وعن مدينته الناصريه وارسى دعائم الحب والعاطفه في قصائده بين العراقيين .

اسمه رعد ظاهر فالح الرميض الصالحي , من مواليد 1957 ولد في الناصريه
مدينة الحرف الاول من عائلة فقيرة تعشق الشعر ومنهم الشاعر زامل سعيد فتاح .
ترعرع الشاعر في شارع الحبوبي وكانت اجمل ايامه فيها لم يغادر ارض الوطن
نهائياً مع وجود فرصة لتركه .

كان صاحب محل حداده في السيف علماً انه من المؤسسين لجمعية شعراء
ومنشدي المنبر الحسيني في محافظة ذي قار مع اخوانه حسين العبودي ومهدي
مسعود وكاظم ساجت ومحمد دنيف وعلي الطائي واحمد حسن وعادل الحمبوزي .

التحق بالرفيق الاعلى يوم 15 رمضان في عام 2015 يوم الخميس في جامع
السيد راضي اثناء قرائته لقصيدة في ذكرى ولادة الامام الحسن (ع)

ذی قار

صبح الخیر یاذی قار

الج ولناسج الحلوہ

اردها الفجر کل یوم

یکحل العین یاسلوہ

اقبل ایدج الترفہ

مثل اید امی من اکعد اقبلها

واحسن بیها وی روحی

وہی بروحی احنلها

یکفینی بهویتي تصیر

اسمها وبی مسجلها

صبح الخیر یاذی قار

من زقوره اور واکد حاملها

عشت وياج عمري وفرحي واحزاني

يا اهلي

وعزوتي وعطر ديواني

يا اول

حرف انكتب بالتارخ

وعلمتي

الكتابه القاصي والداني

هاي الناصرية

الجانت ابراهيم

هيه اول

بكلشي وغيرها الثاني

يعني اول حرف

واول خليل الله

بيها شلون

هندي الطاغي سماني

بلا تاريخ

صارت دول لا عنوان

وانا الواضح

او معروف عنواني

صباح الخير يا ذي قار

من كل كلبى اطلعنها

طبع بينا طبع عشاك

بذكر المحب ديدنها

ومثل ماتحضن النخله

عشكها الكاع نحضنها

عزيزه الناصرية هواي

عزيزه شما اعاينها

عهد

نبقه ياوطن

كلنه الك عشاك

ويامسعه

وبخته الحبك وحضه

انت ارتاح وامن

واحنه الك حراس

يبو كاع الذهب

ومطرزه ابفضه

لاتاهم قبلنه

من اجوك اجناب

لجن دنيانه

جانت بينه مختضه

بعد بهلك عزم
من ثورة العشرين
وبعد عالاجنبي
وضلته معترضه
الوطن عدنه مقدس
وابد ماينجاس
والرايد ايقبله
ايكوم يتوضه
عضم حيه اهل هالكاع
والله اتصير لو تنداس
حدر جدم العدو
لوشبر طب ارضه
مو مثل الدول
هذا الوطن ينقاس

لأن كله متناسق

طوله وي عرضه

راد الكون بلعه

ماقدر غص بيه

هسه شلون

تقدر تتبلع ارضه

انهض يا عراقي

وكافي عاد النوم

الوطن ماينحرس

وعيونك مغمضه

يردون العراق

وحكمه الهم دوم

واذا ماحصلوا

يردون بيه فوضى

خل الباع ارضه

يرفض الدستور
جلمت نعم تكسر
عظمه وترضه
واذا هاي النجف
وافقت على الدستور
بعد يافيتو يكدر
هلجي ينقضه
يظل هذا الشعب
ماينحني للموت
لو فجر الحاقد
بيه الف نهضه

الى الوطن

ونردها ان شاء الله

من الحايك احكوكك

صدق

ماتهنوا ابدا الباكوك

وابدا موش منه

الحاولو بوكك

وصدك جيثوم

اجاك ابنومتك خناك

وتثلاثين طول

فوك خندوكك

بس الحمد لله

ياوطن فزيت

وظن هانت الصعبه

ومحد يعوكك

سبع تالاف عمرك

وانت بعدك حيد

وبعد دجلة وقرات

اتفور بعروكك

ياشاهول بنه

الخله بيك اثار

وبسعر الذهب

ينسام طابوكك

يضل مايك

قراتا طيبا يعراك

وتظل نخله ام عيسى

وراويه عثوكك
بحر فرعون مايك
بس نبي فجاه
وياكافريطبك
مايضل فوكك
هذا الكون جنه
وكلشي بيه ينضاك
وبس انت تفاحه
وحرموا ضوكك
اضل انا بهواك
متيم من اسنين
ويهنياله بهواك
المات وبشوكك
ولو دورت عاشك

ياوطن فد يوم

اول ماتحسب

انه معشوكك

واذا هسه انتخاب

ايصير الك يهواي

ادك الروح خشبه

ابخشب صندوقك

الخلود

تبجي الناس

موتاها بثلاث تيام

ونتہ الناس

هاي سنين تبجيلك

يامظلوم مثلك

صار منجه وفوز

ماخاب الكصدك

يوم يشكيلك

عدل يا فزعة

المنيوب من ينخاك

يامنجي ومعزة

وفاز من حيلك

يحسين اشكون
بيك ما اوفيك
يالمضحي ابحياتك
بيش اضحيك
يلي انذرت
روحك للعدل قربان
جزاك الذبح
بالطف محد يشيك
حر واحد طلع
من بين الف يا حيف
يلمضوي الظلام
بنور قنديك
يا عز السلاله
بهاشم وعدنان

لو كالأناساب
الناس توميلك
حسين الصار
اسمك للصبر عنوان
وصرت كعبة
محبة الخاك تسعيك
الرمح ماشال
راسك هو بيك انشال
ومن رتل
فوكه عله بترتيك
من الصين تتعنه
وتجيك الناس
وزحف من الصحن

للحضرة تحبيك

يا وارث محمد

سنه والقران

ومن يضمى النبي

يرتوي بتقبيلك

انته اولك دين

واخرك جنات

وانه يوم الحشر

يا سيدي ادخيلك

ابد مارجف جفئك

من اجوك الكوم

رحمت صليت

والعدوان تصغيك

نجم لمن طحت

بيك انرجم شيطان

من راد ابن هند

يحرّف انجيلك

الى س

كالو وعر دربك
بس مشيته بزود
وكلب غيري بقه
من خوفه يجمد
لن ادري النجاه
اباخر المشوار
واضح صار عندي
الابيض والاسود
ولا همني الطعني
ابساعة المعتاز
خنجر جنت احسبه
الي كلمن صد

همني الصار بيني
وبينه ملح وزاد
بقه من شوفتي
يا حيف يتلبد
وانا خادم حسين
وكلي رفعت راس
مازليت يوم
وربعي الي تشهد
ابتعب والله جبتها
سنين تتلي سنين
من جان الظلم
عالشيعه بس يشتد
ومن صار الجزر
ماهمنه الي يصيدون

صبرنه وكلنه لآبد

هم يجينه المد

كتبنه من الارواح

الواح لجل حسين

لان بحسين يبقه

وكلشي يتخاد

اليوم اكشف اسرار

الخافيه من سنين

ولمكظوظ عندي

منل الفشل ينهد

كظم الغيظ ذله

اتحسبه بعض الناس

وخافن على

روحي ابهاي تتعود

وكانو عالكريم
اتملكه بالتكريم
وذا تكرم لنيم
اعليك يتمرد
اثاري الشيب
ابدا ما اله مقياس
عله كل هامه
يثبت فوكها ويمتد
مو كلمن يصفط
بالحجي حجاي
مثل نار الكصب
بس طكطكت تخمد
يل جاي ابتوالي
الضعن كض تاليك

مو منه اليعوف

احسينه ويرتد

ولامنه المرائي

بعشك اهل البيت

والسواها ينزل

وبد مايصعد

شرف حب الحسين

وماخلفنا بيوم

مو ثوب الحياه

اتلبسه من تبرد

ام ابيها

شما نكول اليوم

عالزهرة قليل

وياهو يمها

اليوصل ابشعاره

لو الف ديوان

يكتب مستحيل

شما عصرشاعر

واديب افكاره

الزهره تصنيع

ابعلم ربنيه الجليل

وربنيه ادره

و اعلم ابسراره

معجزه للناس
رايدها ودليل
للعرف جنته
ويعرف ناره
للحبيب المصطفى
هي السليل
ونزلت من السمه
احلى ابشاره
المايحب فاطمه
عن دينه يميل
ويضل مثل
اليعدون احجاره
هي نور وابد
مامنه مثيل

عله الدنيه اليوم

طش بنواره

احنه واحد نورنه

وماكو بديل

منين جبته

اثنين ياغداره

هاي جدها الصار

للباري خليل

وهاي ابوها

النزل وحي ابداره

هاي بت هاشم

وعدنان الاصيل

هاي بت الوصه

سابع جاره

هاي ابن عمها
علي حامي الدخيل
صبي ويحرس
جان طه ابغاره
جم زعيم الصار
يم حيدر ذليل
وكامت اتلوز
الزلم بكتاره
هاي ام الحسن
ذي الخلق الجميل
ابو ديوان
الشبع خطاره
هاي ام حسين
شنكول اشنطيل

وهو كل الكون

ببيه اخباره

تبقه دم

اعيونه الها تسيل

شما ذكرناها

غدن مطاره

ويبقه يذكرها

جيل بعد جيل

وبصدر كل شيعي

الم بسماره

حب علي

الراد بالجنه

يحصله قصر

خل يحب المرتضى واولاده

المايحبهم

مايتم دينه ابد

رد على ماضي ثمود و عاده

باخرة نوح

الركب بيها نجه

كاله طه وصحيح اسناده

ركن من اركان

دين الله علي

ثابت وياهو الوصل لامجاده

زقة ابن عمه

بعلم محد حواه

مدرسة وبس علي من رواده

علي من طالب

اجه ومن فاطمه

طك جدار البيت من ميلاده

الناس راعي

وراعيه منذ القدم

بس علي اولده عليها الساده

كبل ادم كبل

لا يبدي الخلق

علي من ضمن العرش واوتاده

كالو انغالي

اذا كلنه الصدك

و الصدك يا حيف محد راده

الشيعه تكبر من

يمر بيها الظلم

وحب علي محد يفك اشداده

طفل حيدر

ربه بحضن المصطفى

ومضغ من ايمان طه وزاده

وشاف انوار

الوحي ابيت الرسول

بعده باصنامه الغدر والحاده

وطه من حط

الولايه بجف علي

كشف اوراقه وعلنها احقاده

هذا حيدر

ماحنه راسه لصنم

طاهر الاصلاب مثل اجداده

باب حيدر

للمدينه ابلا نراع

الفاتحه حيدر علي وسداده

بقى فارسها

علي ابسيفه يصول

انشد ابن العاص يوم الراده

عود فارسها

واجه مثل الزلم

نزع ثوبه وشرد من مقداده

حيدر الخاتم

شهدله وذو الفقار

لا كرم حاتم و لا شداده

اليوم حيدر

روضه من روض الجنان

كل عليل ايطيب من امراده

انجان مقياس

الصحيحه بالعدد

وشوف فوز حسين منه الزاده

زور ابو السجاد

وانظر حضرته

و وين ابن مرجان وين اسياده

ذيج سامرا

عليها احسن ذهب

رغم غيظ الميغض وحساده

عجز الوصف

تضل يا صاحب

الحضرة العجيبه

بضريحك زود ياسيدي وهيبه

اذا كبرك ذهب

جا انتة منيش

عجز بيك الوصف وشلون اجيبه

وعجيبه كربله

وعملتها وياك

يريحان النبي والله عجيبه

الحدائق والورد

حاطن ضريحك

وهو الورد منك اخذ طيبه

لأن يحسين

امك زهرة الكون

ومن عدها الورد نسمة وطيبه

تجي الوادم

تزورك تطلب امراد

وكل زاير الك يشكي مصيبه

وكل واحد

يرد الالهه مرتاح

واضن هل حالة ابدأ مو غريبه

يحلال المشاكل

صرت للناس

يمنطي امراد كل طالب طليبه

ييعسوب الوكت

بيك امن الكون

يوارث عيسى ونجيله وصليبه

اظن موش الحسين

الوكع بالطف

وشبيه حسين مامسوله شبيه

حسين ارتفع

باذن الله وصعد فوك

ونزل وحي الله ناده شهل مصيبه

وذا هذا الامر

لحسين ميصير

اظن هالعيشه بالدنيه مريبه

اهو الابرص

يعرفه اله ذباح

ويدري بسهم المثلث يصيبه

بس امر السماء

الراد ت حسين

دمه بكربله عالحك يسييه

لبس درعه ابو

اليمه وكال ثوره

اجه وكل هاشمي ايعادل كتيبه

ابن هند اللعينه

يحكم الناس

وضل دين النبي ابحاله عصيه

يقيناً واضح

امرالحارب حسين

ابداً مو نقي مصدر حليبه

بكلبي حسين

حبك شجن والام

وبيه كل مرض انت طيبه

لبجي عليك

كد مابجه يعقوب

لمن عمين اعيونه وجل نحيبه

وذا ماصدري

يلطمك بكل حين

ويضل بركان يطاير لهيبه

على نهجك

نضحي بكل الارواح

ولجل حبك دفعنه الدم ضريبه

الشمس كل يوم

تطلع ترجع اتغيب

وتضل شمس الحسين ابلايه غيبه

المدينه وكعبه

الله تنتخي بيك

وبلا نهجك قدسنه اضل سلبيه

اهو مره الفرات

انقطع يحسين

وسكن حدر الكبر مادب ديبه

تجي ساعة

الباري يوم وتقوم

ويضل الابوما يعرف ربيبه

ابوه حيدر علي

المادنك الراس

وجده الخاتم وامه النجيبه

عشك حسيني

احبن واليحب

بالشرع مو عيب

وحبيبي بحظن امي بكلبي نمرش

وبقه يزداد

حبه شما جزة يوم

ونمه بسباح روي لمن نفرش

عش حبي بنيتيه

بلبة الروح

مثل طير باعالي الشجر عشعش

ربه وي عروك

دمي وصار مني

يعني لو افلشه وياه تفلش

حبه بدمي يجري
ويه الكريات
واحسه بعيد عني واله اتعطش
عشكته عله الفطرة
ومن سجايي
كلب وياه وما ز غلط و لا غش
وذهب صافي
يحبته ولا دغش بيه
ومو من فوك بس مطلي ومزركش
اله تكله الذهب
لو شالته الايد
والشبه مفضوح من صوته يتخرخش

بهوي تي انكتب

اسمه واسمي وياه

رغم عاذل عليّ دومه ايتمرعش

وشجم اسم

من اسمه غده وراح

وخسر مرتين كلمن بيه تحرش

كاتبله شعر

بيه تنكص اركاب

ابوكت جان الكتب للغير كرش

اعلنت حبه

بزم ماينعلن حب

وحكم حجاج يعدم ناس بالرش

ادري ومايدوم

بهاي دنياي

كلشي وجم صلب بيه صبح هـش

يصاحب لاتعشك

هاي دنياك

جم واحد بواحد نفخته وفش

عدل وي العدل

لو صرت متطیح

زمانه مانج کلن تخشخـش

انه احجیلک شعر

واحسبني مجنون

مو بطران اجیت اولاً اطنش

يا غريب

اديار جدك

بين فاطم ترتجيك

ضنه ترجع يا ابن خير البشر

تعتقد طه النبي

من وصه بيك

ونتہ بين اسلام مايك خطر

محسبة امك

فاطمه ياهو يدينك

ماورث جتلك صبح عدهم ضفر

ونتہ ابن حيدر

علي هذا يكفيك

يا قريش الما تهابك يا مضر

وحدك فوق
الكاع محد يعتليك
والحواجب ماعلت يوم النظر
شافت من الكوفه
دعوتهم تجيك
ومادرت بكلوبهم ممليه شر
ماخذت يحسين
من ماي الفرات
شو متت عطشان وبصفك نهر
كالو احنه اويك
وندارو عليك
وكطعو مسلم كبل جيتك وذر
واحد انتة وميت
الف كلها ترميك
شي نبل ورماح شي ترمي بحجر

ولا رضىت الطاغية

يصبح وليك

ولا رضىت الدين يهوه بمنحدر

ذبحوا ابنك

سيدي ما بين ايديك

سهم وبركبت طفل حزها وعبر

ولا تتولك

عزم يالحيدر ابيك

ثرت جل بركان من طاح الكمر

شنهي صبرك

يا صبر الله منطيك

جبل لا والله الجبل جاما صبر

لجن شفت الدين

ها يوكع وشيك

يا الله نالوا منك وحزو نحر

فتنه من الشام

جانت تعتيك

بيك مكروا وبيهم الباري مكر

والله لو بعد

بكثر ذولة يجيك

لوله ما عندك امر محد كدر

لاك التدوي لجل

ترضي باريك

اصبحت موعضة للناس وعبر

انتہ ابن هيجاء

محد يباريك

الف هام ابصارمك ذل ونطبر

ونتہ بالایمان

یاہو الید نا لیک

وبحقکم الایات نزلت والصور

یاسلیل المجد

مایخفه ماضیک

یا ذهب من ذهب یادر من درر

تنغث العدوان

لو جنبه طاریک

الہسه یامولای ویمرها کدر

ياوكح العيون

يا وكح العيون
الما بجت لحسين
وأتوشل دمعته بحركه وتهله
ركس مركب الغيرة
بكربلا من طاح
ومثل سبي الاجانب من سبو اهله
كفر ويهود ذبحو
جم نبي معصوم
وبيا دين ابن فاطم يحل جتله
تنشل الجروح
بكل وكت وطيب
يبو جروح الغمأك المالهين شله

شما رډنه نشل

واحد من السبعين

يجي سكته اليهودي بخنجره اичله

اذا ابنه يصلي

بنبي عيسى أيمام

جا كلي ابوه بجم نبي صلّه

ياحبك اجيل

شيله بعد اجيل

بكل عقل و ضمير و محد ايمله

ياهمزة وصل بين

الارض والكاع

يل نلت المكارم و العلا كوله

يل ثورتك صارت

شاهد وعنوان

لكل حر و شريف المارضه بذله

ياكاشف غيوم

الجلجلت عالدين

يا وارث مجد و مكرم الزلة

يل درسك طه

وحيدر باتقان

يا عالي و عليك المحدث

صرت لا من زياده

البيك لانقصان

الخلل موجود بيه العنك تخله

حسين انت الوسيله

عل ارض للناس

والطايح تنهضه المايل تعدله

عليه بلايه ريبه

ولاحنيت الراس

يعقد و سند للصبح بيه خله

تره الحنظل يصير

بحك كل مظلوم

لو بس يذكر اسمك ريجه يتحله

اذا مره الوقت

سد بوبه عن الناس

يظل بابك مشرع كلها تندله

وحك كطرات دم

حسينه المظلوم

اذا بعيوني شح

الماي عن ابجاه

اخليهن دمه يهلن ويبجله

ابوذية مجارات

إني بحبك يا حسين متيمٌ
من حيثُ لا ادري بها أو أعلمُ
مُذ كنت في احشَاء أمي مُضغة
صُرت الهوى فُتَعاتق الهوى والدمُ

ابحضن أُمي احظنت حبك	ونه دم
وصار اسمك ينادمني	ونه دم
جم عاشك ترك عشكه	ونه دم
الك يبين الرسالة الاحمدي	

ماهزني الوجد

ماهزني الوجد إلا في محبتكم

يا آل بيت رسول الله إيماننا

نور من الله انتم لا جدال به

حتى ينزل فيكم وحيه قرانا

من لآمني في حب احمد كافرا

أو لآمني في الله خسرانا

نيل الشفاعة منكم صار مصدره

و الزاعمون لغيركم بهتاننا

لايملك المرء إلا ينحني جللا

في ما ملكتم من الرحمن سلطانا

وقف

سجلت روعي

وقف بسم الحسين

وأست دمعى اله بماى الورد

وكلبى ابيض

ماشك غيره وهواه

عشك ماصار و جده ولا يوجود

هذا انه

و يلمضيعنى تعال

عالى بيتى اواضح ابلايه نشد

وانه بيت حسين

بيتى وما اتيه

و خادم اشرف اله و ابقى عبد

لوني جون

وكل سمار الكون بيه

لكن كليبي مثل لون القند

وانه احب حسين

حب حد الجنون

وبالكلب طبع العشك مو بالجد

الماجد بكلبه

حب لأهل الكساء

ما يجد باخرته معبر ما يجد

الناصرية

يديرته العظيمة

الشامخه بكل حين

يماصله ولكل تحلف ابراسج

جنوبيه وسمارج

من سما رالكاع

وعذب ماي الفرات الكاسم اشفافج

يل حسنج جمع

مايين صحره وهور

يل معطره الهوة لو يمر بنفاسج

انتي ام الحضارة

ويشهد التاريخ

وذهب بس ذهب يلكه اليحفر بساسج

رحل عنج نبي

والغربه شيوه نار

اشلون المو نبي بالغصب ماشافج

الى كل من لا يحترم مدينة الادب الناصريه

ما اسكت

وانحسب ويلخرسان

ولا ارضه

جربه التصهل ابمربطنه

احنه انتعله

امهورنه ابلايه اعنان

وحنه النخيظ

ايلالها ابمخيطنه

خل ينخبظ

جم لابس اوي العريان

تنفرز عدنه

التخن من الرطنه

الصاعد بحر

ميهمه فوج النهران

والما عرفها

ايطم اذانه ابكطنه

عدنه الادب شط

ماحوه بس كطان

مثل الفرات

اليجل يحوي مكطنه

ظل عا لجرف

ليغرك اشجم شيطان

كبلك هوايه

الغركاهم شطنه
هم شفت كوكه
اتعلت اعله البرهان
وهم شفت كمبورة
ابشجر متوطنه
اظل انتة اصبع
وحنه نبقه النيشان
حسين الوطن
معروف واضح خطنه
بس الاغم
ذاك اليكرم الغمان
لن انعمه
الدولار سحت ابطنه

خل تنزل

ارموز الشعر للميدان

اتبين الخوثة

من الغنيثه وهطنه

اطنه بحلال

انريد اذا بالامكان

جمله شعر

مفهومه منك اطنه

دخان الك

ونعرف بام الدخان

وحجي المجعين

كلشي مايربطنه

الناصرية

ام الشعر والاوزان

او وحي الشعر

ما غاب عن مهبطه

وحايطه مرمر

مطلي عالي البنيان

ويدك كصيره

وماتنط حايطه

والسجه ملحه

اتلوك بس للملحان

نخوته هيه

فنه اليزامطه

اهل المفطح

ولهله والديوان

ربك الباري

الهل مكارم حطه

مانرفع الجف

كبل طك الفنجان

عالفارغ او متروس

بيهن فطنه

لاكتبن

ولاصفكن للطغيان

اجفوف عفه

وحشه ايكولن عطنه

مولد الرسول الاعظم

تهانينه تهانينه

نزفها للنبي طه

ليالينه ليالينه

مظلمه ونوره ضوها

هله بطلعت ابو القاسم تهانينه

هله بالمصطفى الخاتم

اليوم الما فرح لازم

ابد مايعرك اجبينه

هله بسر السمه المكنون

هله بشرف اسم بالكون

ابجيته الما فرح ملعون

واضن سفياني كل طينه

هله بصياغة الرحمان

كامل ماكو كل نقصان

هله بمعدل الميزان

وفاض بخير جفينه

بالهادي طفت كل نار

لاضل صنم لا كفار

ابدينه الناس كلها احرار

واضح وجلي دينه

نفس ذاك الزمان ايعود

اجو لينه كفر و يهود

بينه النزل للفرهود

مثل يوم احد سوينه

نهني فاطمه الزهره

وبن عمها علي وسره

وحسن وحسين والعترة

وامام العصر مهدينه

موعضة

لاتحط اعيون

تنظر عا ليحوف

و لا تخلي ايبيين ابابك كسر

ولاتراوي اغراب

من تاكل غزال

ذو المخالب تشمل اغراب ونمر

الذنيه غابه

وناسها انكلبت وحوش

وماكو راحه دوم ساعتها صفر

الصفنه واجب

تنفرض بيها عليك

وصفت اهل العقل مايبها كصر

الرعونه اخبال

مابيها شجاع

ولشجاعه تنحسب لهل الفكر

احمل اخوانك

عله سبعين حال

وصير معبر الهم ابهيئة جسر

لاتخالط ناس

مارهموا عليك

كبل لا منهم يجيك الما يسر

شيخ من يقره

شني ابوجه الضيوف

ويفرزن المسرور ولمار بعسر

لا اصير الشاكري

ابحب الحسين
ولا اصير ابعشرة الطف الشمر
ولا تحمل اذنوب
بيهن موبقات
عود ترجه ايطيحن ابليية كدر
حتى الاخرس
كام يحجي بهل زمان
وكو ناس امخورسه من الستر
البحر نكطه
وينشف ابلايه حياء
والسواد ايدوم اذا ماكو فجر
دنيئك عاهر
فلا تصفه اعله راي
ودوم عالطيبين ابد ما تستقر

لا اتنم بيهـا

وتحذر هـا زين

مدري يـا سـاعـة تطك ماتنحزر

لا اثبت

هرشك ابكـاع ويطول

تره الوكـحه ابفـاسـها ازبرك زبر

لكن انتـه

اويـاها بمسـايس تعـال

ولـاتـهم بفعـالـها ايريدن صبر

انه وي دنياي

مامره صـفـيت

اشما اردـها اتلـوذ وطـكنـي غـدر

ومالذت عنها

اشكـثر مرن عـجـاف

وشكرا هات راوتني اشكرا

النصر للثبوت

بيها من تميل

وماوكم من مهرته هذه النصر

مولد الأمام الحسن

(عليه السلام)

هله بجيتك

سيدي بنص رمضان

مرحبه بشبه النبي وطباعه

كامل امكمل

اجه ابلايه نقصان

كوكب وعالارض ضوه اشعاعه

يلي حسنك

يوسفى ونهجك أيمان

بيك فرحانه سمه الله وكاعه

الك شكتب

وبتدي من يامجان

ياكمر ماغاب عن مطالاعه

شعري بيك

ابحوره تاهت ولوزان

سيدي مثلك فلا شاف الزمان

وياهو مثلك حمل كل اوجاعه

انتہ ابوك

الصار ثالث با لاذان

وبامر ربنه حبه فرض وطاعه

الزهره امك

بت نبي ونته ريحان

وياهو مثل الراضع ورضاعه

حسين اخوك

الباخرة الهاذه الزمان

ونتہ ساري هل وكت وشراعه

اليحبكم عاش
كل عمره ائمان
ونتوا له بيوم الحشر شفاعه
والبغظكم سيدي
والله خسران
عصه ربه ونار اله لساعه
يلي بالساحات
بس انتو فرسان
ليث جم ليث ال لويتوا ذراع
يل ملكت الارض
من اربع اركان
والعلم خضتوه بكل انواعه
ياعزيز الكدر
ياعالي الشان
يارادين الصاع بالف الصاعه

يلي لجروح

الزمن صرت نيشان

ونتم الحلك الزمن دراعه

اسياد كل الناس

انتم ولعيان

بزود ونتم هل مجد صناعه

روس جم كافر

عزلتوا من البدان

ونواصلكم جل برك لماعه

هواي اجوا للدين

شفتوهم الوان

مثل اميه ماكو ابد خداعه

ياكرم وللكرم

صرت عنوان

صار همكم كل فقير اشباعه

دين طه كبر

بس بيكم وبان

انتو حامينه وله فزاعه

ماتوا نيتوا

على البيدين خان

اسباع الكم بالوغى ركاعه

والله يوم الحشر

بس انتو الضمان

للشره حبكم وابد ماباعه

حبنه دايم

الكم ولا بي هوان

شما نهونه وكثرت المناعه

يمته ايهل

قدومك سيدي مولاي يمته ايهل

يامو عود تملي

الارض عدل وخير

الك بس العيون امرابيه وتهمل

قظيتنه جبيره

ومالها حلال

وترا هي ابغير جيتك ما اضنها اتفل

هاي اسنين نندب

ها يبو الكلفات

الحكمه ناصبي وشظنتك يعدل

وحك جدك علي

مامر على احد ضيم
ضيم المر علينه سيدي يكتل
ومثل جز الوبر
من عدنه جزوا روس
وبس بينه الوكت ضل ينفش ويغزل
حدر رحه صفينه
وليفر مجنون
لا هاود نهار وليل بيه ايجل
لعشاكك مصانع
بنوا للتغذيب
شي تعدم وشي تثرم وشي تنتل
حجبي الخامسة
ابغداد تشهد بي
دمنه من البواري اوي النهر ينزل

اليمرض ماله طب

ولا دوه يلكاه

الخلص من حصار من الحرب يكل

مقابر بس مقابر

صفت هاي الكاع

بس دفان ضل و ضل المغسل

اليموت ايموت

عدنه ولبقه يرجاه

ونص من عدنه هجت جن هجيج البل

داست فوك ابنها

ادكول اجاها السيل

من شح الحليب ابصدر كل مطفل

لهسه عيونه

ابغز الظهر تنصاب

ماتفرز الرايح ياهو ولمجبل

جثيرات العلينه

وكلنه هم ايهون

وصلت للعظم سيدي ومانحمل

اعاتبك ياموطني

شما انظر الموطني

تاخذني الحركه

ولا بي اغظ الطرف

لا بي عالفركه

نار الكلب من غظه

بي دوم معتلكه

هذا العراق الكبل

صاحب هله وملكه

ربعه ومضايف عرب

ايدل اسمه من غمكه

خف اعله حس الطبل

وذب سيفه ولدركه

ياوسفه صولي جنت

بس الجي مو خكه

مرصوص ولاينثلم

ويظنب ابطكه

شمعنه تبطل اللعب

عاللعب ما تركه

انه ادري ماينغلب

ولا واحد ايسبكه

بس يمكن من الكشط

خف وكبر شركه

من ظيمي ياموطني

اعتب ابهل وركه

التواضع

يل تصعد منابر جاي
وعندك موهبه ولهام
بهيده بهيده هذا حسين
بدم نحره حمه الاسلام
ولاكنه نعم بالزور
وصفطنه شعرنه العام
كناها النعم لحسين
من جانت عليها اعدام
دكينه الرواح انذور
وكلا كلنه للظلام
وذا جانت رياء اشلون

وينطون اليكضنه وسام

امديرية امن ذي قار

صور انه لكوا وفلام

اسالك وين عن حسين

جنت يل تحجي عالخدام

حب حسين مو تهريج

ولا طلعه بصحف وعلام

لاكرت اعيونك كون

وعسى لا ليل بيه اتنام

هويت حسين تتمزك

هاذي الغيره والاقدام

الك وقعها العبودي

المنبر بيهها واحلى اختام

انه اما جاملت فد يوم

ربعي وظمظمت مظام

عدنه بالشعر ابطال

العبودي اول الاعلام

وخالد خضر مابطل

شعره شما تمره اللام

ولا حنبوزي لاعضاض

لا طائي تبعده ايام

ولاغالبى وبن ادنيف

تعبوا عافوا الاقلام

ولاكاظم او اوزانه

تاھت منه والانغام

وبن امساعد وشعره

يجيك من القديم انسام

وضيف ابشاكر وفاضل

وزهر وي علاء ارقام

وبو واثق وبو عادل

شدوا للحسين احزام

الزمن الماضي

عد الما

شايفها اسطورة

حرب وجوع

وموت خوف

ممنوع

الانسان ايفكر

وممنوع

الانسان ايسولف

وممنوع

اله ابصوره اتعاين

ولو ماكو

ايمنعون الشوف

من اهات
العهد الماضي
بالشارع
يحكم تمثال
والكل تسكت
لازم تسكت
والاخرس
ميصير اينشر
خاف التنشيره
اعله الرئيس
او لا ميصير
ادكول الرئيس
الى تحط كدامه السيد

الفهرست...

2.....	بطاقة الكتاب
3.....	الاهداء
4.....	المقدمة
6.....	ذي قار
9.....	عهد
13.....	الى الوطن
17.....	الخلود
22.....	الى س
27.....	ام ابوها
32.....	حب علي
37.....	عجز الوصف
43.....	عشك حسيني
47.....	يا غريب
52.....	يا وكيح العيون
58.....	وقف
60.....	الناصرية
62.....	الى كل من لا يحترم مدينة الادب الناصريه
68.....	مولد الرسول الاعظم

71.....	موضة
76.....	مولد الأمام الحسن (عليه السلام)
81.....	يمته إيهل
85.....	اعتبك ياموطني
87.....	التواضع
91.....	الزمن الماضي
93.....	الفهرست